



Chinese Surgery

Vol. 5


























外科圖說卷五

華亭 高文晉 霖谿氏輯

上海 王學淵 杏林

全校

申江 黃松壽 秋泉

華亭 蕭俊 良雁橋

叅訂

奉賢 顧大忠 春芳

楊梅瘡

楊梅者。形如楊梅。紅而無膿。流水。或瘡中生刺者。是也。輕者細如茱萸。故曰茱萸瘡。腫者大如棉花。故曰棉花瘡。廣東地方最多。故曰廣瘡。俗呼廣豆一名蠟瘡考其元



由承歡之際百脈搖動精竅大開毒入其中透命門散衝脈下至湧泉上擾髓海無處不到故有透頂鼻崩結喉勢脫傷命之害或遺下部隱處骨節不可收拾或年久變成風毒受累終身全在司命審情的當手法靈奇爲善治法龜頭腐爛者宜摻拔毒生肌之品小便尿紅疼阻者須施利水化毒之方卵頭皮包者非藥線呼膿之品不能療頸下腫大者非刀針出血之法不能除毒結腎喉須投火逼內食驚肉瘀凝鼻竅法用刀開若大便閉塞心腹如燒者急施蕩滌之劑倒提藥害薰洗遺殃者法求徐理諸方至若日久不



愈骨節疼痛者。楊梅風也。當選絡石仙遺銀花松節海風藤肥皂核之類。馬口延爛不夾內因下疳者。須投利濕清火之劑。外敷生肌拔毒之品。方法已全。宜取活用。輕重之間。臨證斟酌可也。

附草醫倒提丸方

水銀

一兩五錢

綠礬

火硝

各二兩

明礬

一兩五錢

樟腦

錢半亦不用

昇三枝香刮碗上之藥一

分以飯爲丸作十丸每服五丸服後齒浮用冷水含之服至七八朝其毒收入骨髓外患盡除矣



又名一厘散水銀引毒入於骨髓如油入  
麵最難清理凡醫忌用此方因遺害極大  
後醫難治故也如遇服過此丸者須用徐  
理之方以解之

祛毒方

防風

甘草

蘇葉

皮硝

煎水洗

又方

木鱉子

黃連

五倍子

防風

煎水洗

神效方

三仙丹陳菜油調用鷄毛點搽患處



楊梅瘡



此瘡皆臟腑之積毒脾家之濕熱其起也有三因



男子與生疔瘡婦人交感薰其毒氣而生或體虛  
氣弱偶遇生瘡之人穢氣入于腸胃而生或先患  
瘡之人在于客廁去後其毒氣尚浮于客廁之中  
不知偶犯其毒氣薰入孔中漸至臟腑或在頭頂  
中或在肋下或糞門邊先起有雄有雌雄者大如  
白果遍身生五六十或百枚分棵不成片雌者小  
如豆瓣遍身連片膿汁淋漓深能累人嬰兒患此  
者皆父母胎中之毒也宜用汗藥宜用服藥宜用  
搽藥不可服丸劑恐內藏輕粉易愈故也但輕粉  
乃水銀昇也腐腸爛骨害不旋踵



汗法

用槐花半升揀去石灰枝梗鍋內炒焦下酒三升煎滾濾去渣乘熱飲之以衣覆身出汗為妙

又汗藥

升麻

白芷

甘草

蒼朮

當歸

穿山甲

赤芍

羌活

獨活

防風

荆芥

大柴胡

麻黃

連翹

木通

薄桂

桔梗

金銀花

水酒

各一鍾煎八分乘熱服之以衣覆身出汗為妙

煎藥方

防風

一錢

木瓜

二錢

白蘚皮

一錢五分

連翹

黃芩

金銀花

各一錢

皂莢子

大

當歸



薏苡仁炒 川芎 白芍 熟地各八兩 升麻

甘草各三分 人參 一錢 白朮 一錢 顛頂加藥本

冷飯糲四兩水六碗煎至四碗濾去渣每藥一劑  
汁二碗煎至八分瘡在上食遠瘡在下食前瘡  
在遍身不拘時服忌茄子糟物及牛肉茶葉此藥  
服四十劑方無後患

薰洗方 夏天一日一洗冬天兩日一洗

防風 芍藥 山梔 苦參 薄荷

金銀藤 蒼朮 黃柏 地榆 黃芩

連翹 蘼艾 骨皮 花粉 蒼草各一錢



加鉛一觔

紫蘇一把

水二斗煎至數沸去查傾在浴盆內將板一片放在盆上坐之上下週圍以竹圈或蘆席遮護之無風處拭乾滋水然後搽點藥

點藥

珍珠

一錢 另研

杏仁

五錢 去皮另研

輕粉

五錢 另研

射香

二分

右四味和勻每用雄猪膽汁調

勻搽入肌肉不見藥爲効如有脂水出再搥再搽

又方

鴨嘴膽礬爲末水調塗之亦可

又方

水銀

輕粉

和研

杏仁

風子肉

孩兒茶

各另研

右各等分和勻在頭面者用鴨膽在身者用猪膽



在脚用狗膽汁調搽

服藥久不愈下行藥

白殭蚕

三錢炒

全蝎

七枚酒洗瓦上焙

當歸

白芷

穿山甲

炮各二錢

大黃

四錢焙

末之五更空

心蜜湯調下作丸酒亦可用行利數次用薄粥補之明日或再隔一日如前服則濕熱蠱毒自消矣

輕粉毒方

此毒之發皆由起瘡之初求速愈而服輕粉故生此毒也發于四肢者易治發于頭面者難愈

人參

一錢

當歸

二錢

杜仲

一錢

五分銅器中酒炒

茯苓

一錢



牛膝 三錢

赤芍

一錢五分

黃柏

知母

俱用鹽酒炒褐色

防風

甘草

白蒺藜

五加皮

各二兩

白朮

陳皮

羌活

麻黃

白芷

各一兩五錢

冷飯糰四兩煎服二法同前

年久輕粉毒

土茯苓

五兩

當歸

四兩

鉛

一斤

川椒

大酒二十觔文武火煮焚三枝官香為度埋土中

三日出火毒飲之

輕粉毒膏

輕粉

三錢

蘆甘石

一兩火煨過黃連汁浸之

牡礪

一兩鹽泥裹火煨通紅

真菜豆粉

二兩焙乾



右爲末同生桐油調勻入磁盆中以艾火薰熟作  
隔紙膏貼之兩日一換

梅瘡破碎摻藥

五倍

一兩去中間白花蟲屑爲粗末炒斷烟爲度

鷄內金

七錢生用

黃柏

一兩去粗皮猪膽汁潤炙褐色

血丹

少許

冰片

二分

大紅絨灰

二錢

天靈蓋

煨存性二錢

右各研細末和勻摻之

梅瘡摻藥家貧不能辦藥者

大黃

一兩

信三錢

俱爲末和勻外用麵糊包前藥

炭火煨熟內藥如糕樣再用火炙乾研細末先用



防風荆芥湯或搽清洗過然後摻之黃水出即愈

新根丸

龜板

童便浸七日酥潤炙黃研末

槐花

淨

樺皮

煨

各等分爲末蜜丸酒下一方加木香

又日夜痛不能行動

紫花地丁草

蜂房

煨

乳香

沒藥

升麻

各三錢

爲末每用五錢酒調下

輕粉毒爛深不長肉

乳香

三錢

血竭

五分

孩兒茶

一錢

天靈蓋

煨

二錢

末之加冰片二分乾摻

廣瘡輕粉煮酒方



車前草 一束生用 洗去泥 斬黃蛇 一條去頭尾 生地 四兩

白蠟 二兩 歸尾 二兩 藁本 四兩 川芎 二兩 牛膝 四兩

白芷稍 二兩 羌活 五錢 白朮 四兩 甘草節 一斤或半斤

石楠藤 二斤微香長沙一分半一斤 防風 八兩 薏苡仁 四兩

槐花 四兩淨炒 鬱金 四兩 小紅棗 四兩 冷飯團 一斤江西白色者好

用好葱三十根好大酒十五斤將藥切片各稱准

酒放瓶內將藥入瓶內白綿紙數層又放竹葉縛

緊瓶口不冷出氣重湯煮之放大米在瓶口上米

熟方好取瓶埋地下火毒酒冷了取酒面上白

蠟用鉛一斤打成餅將前酒內藥渣取出酒乾其



爲一處爲末糊丸如桐子大每服六七十丸酒送下

廣瘡膏

松香

一斤四兩熬去渣

杏仁

四百九十粒去皮尖

乳香

一兩

沒藥

一兩

銅綠

二兩

黃蠟

一兩

輕粉

一兩

蓖麻子

四百九十粒去皮淨肉

射香

三錢以上俱另研

將各藥爲一處放柏內搗及千餘下柏頭上抹油

不沾柏頭不許鷄犬見之不綠矣膏用紅絹攤之

絕妙



癰瘡



夫癰之生也由于脾經濕熱及肺氣風毒所致或



坐臥當風酷暑漬水以致皮膚不仁遂成頑癬或如雲或如銅錢或如荷葉或長或歪其形不一發于上者屬陽易治發于下部胯間豚腿屬陰難愈年久者癬內濕熱所化有疥蟲極痒其名有六焉曰乾癬搔則出白屑索然雕枯如蟹爪路之形二曰濕癬搔則脂水浸淫如蟲在內極痒遇熱湯浴之其痒不可當

三曰風癬搔則痺頑不仁全不知痛痒皮膚如木

四曰牛癬其狀如牛領之皮堅而厚竹片刮之覺有脂水出



五曰狗癰時作微痒白點相連

六曰刀癰輪廓皆無如雲岩之氣運行無定

治法當清心火散肺風之藥服之

疎風滌火湯

半夏

菜油拌炒

升麻

本藥

甘草

薄荷

石菖蒲

生地

當歸

防風

荆芥

苦參

天花粉

白朮

白芍

桔梗

白芷

連翹

白蒺藜

羌活

黃芩

酒拌炒

三味丸

苦參

淨末八兩

白蒺藜

炒去刺淨末四兩

皂莢

一斤煎

膏加煉蜜爲丸如桐子大每用二錢或酒或湯下



黑魚湯

用稀蓴葉鋪在鍋底中間放魚不拘多少上以葉覆之白水煮熟食魚肉并汁其藥取出晒乾磨末煉蜜丸服

搽藥

川槿皮

四兩

白芨

四兩

剪草

四兩

俱爲末加

巴豆肉十四粒木鱉肉四枚剉碎川椒末一兩河水調勻入竹罐中用銀簪攪千餘下埋飯內煮一滾每用少許搽之先以穿山甲刮損方可搽藥疥瘡及白疱瘡

用小麥一升鍋內炒焦下水銀一兩攪和如星取



出爲末用菜油調搽

又方

雄黃 一錢

硫黃 二錢

栴榔 二錢

枯凡 五錢

爲絕細末香油調搽

又方

枯凡

苦參

白芷

花椒

蛇床子

風子肉

各一兩

輕粉

五錢

右爲末柏油爲丸搽入肌肉

又方

防風

荆芥

白芷

五倍

枯凡

樟冰

硫黃

輕粉

栴榔

右爲末菜油調搽

清肌湯

半夏

菖蒲

苦參

明礬



防風

何首烏

蒼朮

當歸

生地

乾姜

葳靈仙

紅花

水煎服

清心瀉火丸

蒼耳草葉

二兩當歸

天麻

各一兩酒浸

苦參

六兩

薄荷葉

荊芥

各二兩

防風

黃連

蟬脫

各一兩

右爲末酒糊丸每七十丸白湯送下

又方 何首烏艾各等分煎湯洗之

合掌散

栴榔

五錢

硫黃

五錢

面粉

五分

各爲細末和勻每用少許香油調夜臥時塗外腎囊不可洗手但揩擦乾三日卽愈



雀子班



雀子班者出于肺經或母受胎之際不守禁忌因



大醉酒當風行房感集邪氣况肺為五藏之蓋故  
肺風發外而成雀子班也宜用驅風換肌膏治之

肥皂 二斤 甘松 二兩 三柰 二兩 牙皂 二兩 輕粉 五錢

白芷 二兩 薄荷 一兩 天花粉 一兩 柏末 一兩 細辛 一兩

乾葛 一兩 草果 一兩 防風 一兩 獨活 一兩

右為末成丸每朝洗面用之再用玉面桃花粉

玉面桃花粉 杏仁 三錢 研如泥 輕粉 一錢 面粉 三錢

白芷末 一錢 射香 二分 冰片

用鷄子白調勻每少許如婦人搽面法



# 諸癰





此癰疽受症陽在六腑流在經絡風寒濕熱傷于  
心肝脾腎之經血聚不散日漸增長或有破者可  
將梅花散敷之已結聚者先用點藥付于癰瘡中  
待七日後方可取去惡物後用膏藥貼之內服  
秘方流氣飲治之不可輕易此乃宿瘤之疾

紅玉膏 石灰一塊如錢大糯米十四粒同醃  
不化開一夜加辰砂

花散 寒水石 龍骨 血竭 黃丹

右爲細末乾摻

癰疽方

草烏 八兩

川烏 四兩

乾桑葉



朽木

名三兩

桑柴灰

二碗

梗灰

石灰未化者一斤打末

右朽木等四味燒存性同二灰研勻以水十碗淋汁如法熬膏用之

消瘤方

蕎麥

燒灰半碗

灰料菜

燒灰半碗

風化石灰一碗同

和一處淋汁三碗熬成膏後用木鱉一二枚巴豆

五六十粒二件去殼去油胡椒四十九粒各研細

爛再和研細入灰汁內再熬成膏入罐內蠟紙封

之如用時不分大小用藥點于瘤上其藥自至根

再上候茶褐色須臾聞其瘤皆黑色不須再搽二

三日其瘤乾枯自有瘡口用紫金散敷之



紫金散

黃丹

一錢五分

輕粉

二錢五分

爲末乾摻瘡口

藥線繫瘤法

凡用莞花根洗淨帶濕不犯鐵器搗取汁用生絲線一條浸汁中一宿以線繫瘤上一夜卽落不過二次將龍骨細茶呵子末三味付瘡口如無根以莞花煎濃汁浸之亦妙下部痔亦可用

炭煎藥

陳皮

半夏

茯苓

甘草

升麻

鼠粘子

連翹

柴胡

昆布

黃芩

桔梗



時以自溺捺瘤上甚妙



脚拐毒





此毒受在腎通于陽明筋聚之處疼痛傷心成毒  
也當用膝眼毒跟疽毒及鶴膝風藥治之





且骨疽瘡之發皆由血凝氣滯徹骨酸疼或房事





過勞或乘虛入水感風合寒或風毒邪熱侵乎榮  
衛或憂鬱傷于心肝膽腎經或飲醇醪燒酒煎炒  
炙博等物或遠行又傷于酒色自然腫痛日久成  
膿初起宜灸百壯以骨熱爲度久宜用銀火針破  
之血膿元氣盛易愈白膿氣弱難愈治法以獨活  
寄生湯兼服十全大補湯備加茅山蒼朮新昌白  
朮及肉桂乾姜人參黃芪當歸爲先鋒之要劑繼  
以霹靂靈應散治之無不愈者肉桂乾姜白芷防  
風蒼朮烏藥龜板酥炙五倍多年陳小粉炒黑各  
等分爲末射香少許和勻老姜汁五合醋三合



半觔和蜜一兩同搗取汁火上熬滾乘熱調藥搽  
患處四向空中出毒氣時用餘汁煎熱潤之以助  
藥力少勞戒氣絕慾除想十句方愈若病人不遵  
從醫師之訓任一已見恣情傲物憂慮萬端不能  
制六氣七情之私雖天醫院靈官亦不能治而况  
中醫乎噫恬澹虛無病安從來心有佛鬱諸病生  
焉實此之謂也凡患病者宜自修省恐懼洒落坦  
夷指日可愈何須多服藥餌耗傷元氣并免饋送  
于良醫不亦善乎

治法與附骨疽治之亦同



跟疽

一名牛繭蚕

一名土栗



此毒生于脚跟之上因行动高下脚伤故生



形如琉璃色無膿惟有紫色便不可刺破先用金  
箍散或鐵箍散敷之避風戒色不宜行動先服蠲  
毒流氣飲後服除濕木瓜湯

蒼朮

白朮

茯苓

甘草

木瓜

薄桂

澤瀉

薏苡仁

柴胡

青皮

蟬脫

當歸

白芍

生地

烏藥

牛膝

黃柏

知母

防風

痛加乳香

如虛加人參黃芪

冬加附子

待其將潰用針挑破出膿水貼金絲紫金二膏



鞋帶瘡

腳心毒

卷五

六



鞋帶瘡受在寒濕足陽明爲毒氣血相聚而成也



當用定痛流氣飲治之

栝榔散

紫蘇

枳殼

厚朴

甘草

芍藥

陳皮

青皮

腹皮

香附

栝榔

防風

姜三片棗一枚煎服

脚心毒受在腎心經在脚心是爲濕毒也乃名脚心癰當服定痛流氣飲并栝榔丸治之

定痛流氣飲

人參

桔梗

芍藥

枳殼

烏藥

當歸

川芎

茯苓

白芷

甘草

乳香

黃芪



血風瘡

卷五

十九



此瘡因婦人經脉不調或一月兩次或過期不來



以此血氣漬入足陽明經故生此瘡宜用木香流氣飲五積散

隔紙膏

黃柏

蜜炙

飛丹

各二錢

輕粉

一錢

面粉

一錢

桐油調作隔紙膏貼之

又方

黃柏

蜜炙

黃丹

蜜陀僧

蘆薈

各一錢

船底灰

二錢

輕粉

樟冰

孩兒茶

五倍

各一錢

右爲細末清油調搽

痛加乳香臭加射香浸淫加青黛

又方

輕粉黃連黃柏飛丹五倍枯礬各等分



風疔瘡



且風疔者經連脾胃絡足陽明經寒濕相傳風毒



交接客于谷道之間注于承山之側初生癰痂破  
有黃水浸淫成瘡攻于遍體或麻木而破裂治法  
同前其中加減之法難以指明宜推類消息之  
如聖膏 治一切風疔疥癬痒痛終年不効

麻油

八兩

巴豆仁

三錢

當歸

五錢

輕粉

二錢

黃蠟

三兩

右爲細末先將清油鍋內熬次入巴豆當歸末後  
下輕粉黃蠟搽患上

治法與脚拐毒方同



腎氣遊風





氣遊走毒在脚肚受在膀胱經冷氣傷腎之實  
復在膀胱此乃風毒也當用紫蘇流氣飲

紫蘇流氣飲

紫蘇

桔梗

厚朴

甘草

芍藥

白芷

陳皮

檳榔

香附

大腹皮

姜三棗一煎服

檳榔丸

檳榔

二兩

枳殼

二兩

大黃

四兩

木瓜

一兩半

木香

一兩

爲末煉蜜丸如桐子大每三十九空心任意送下  
用鐵箍散敷之



裏外廉瘡





三里之傍陰交之側生之者因腎經寒氣攻于下焦內因風邪之所攻外有冷氣之所搏或因撞損而致生此瘡漸然潰爛膿水不乾蓋因濕熱風毒相搏而致然也治方于後

紫蘇流氣飲 三香和氣飲

又方

輕粉

黃丹

黃連

當歸

白芷

生地

爲末乾摻

又方

飛丹

黃蠟 各等分

用火熬作隔紙膏貼之

又方

伏龍肝

卽竈中紅土

輕粉

一錢



黃丹煨過水飛沒藥二錢血竭二錢滑石二分孩兒茶

錢一絨灰一錢鳳凰窠灰一錢即鷄胎子內白嫩皮

右為細末乾摻肉深加天靈蓋臭加射香


隔紙膏方自然銅五分好醋煨七次乳香沒藥

血竭各一錢黃蠟五錢銅青五錢細芽茶八錢各另研為末

黃柏末四兩先用生桐油四兩煎滾取出先加柏末

後加茶末待罌溫再細藥次加射香五分







此毒因榮衛受其肌熱故生此疽赤腫走注不定  
用溫水洗患處用三稜針刺毒上二三十針或磁  
鋒砭之亦妙用拔毒散付之

拔毒散

乳香

黃柏

黃連

雄黃

末之鷄子清調付乾用水潤之

解毒十宣湯

豬苓

澤瀉

當歸

生地

白芍

防風

荆芥

木通

甘草

黃芩

枳殼

小柴胡

天花粉

白水煎乳母及子同服尤妙



紅絲瘡





夫紅絲者心腸積毒氣血相凝灌于經絡之間發于肌膚之上紅絲貫穿或如一紅線或疼或痒皆由風熱相乘而生如箭之速若行至心間卽死急當頭以磁鋒刺破擠出毒血其紅絲之中再刺之方絕其根急用當歸連翹解毒之劑治之須戒酒數日

清心解毒飲

當歸

生地

赤芍

川芎

升麻

乾葛

連翹

山梔

蟬脫

黃芩

防風

桔梗

羌活

木通

青皮

枳殼

玄參

天竹



徽瘡秘錄總說

徽瘡一症古未言及究其根源始于午會之末起自嶺南之地至使蔓延通國流禍甚廣今當未會之初人稟浸薄天厲時行交媾鬪精氣相傳染一感其毒酷烈匪常入髓淪肌流經走絡或中於陰或中於陽或伏於內或見於外或攻臟腑或巡孔竅有始終只在一經者有越經而傳者有間經而傳



者有毒伏本經者形症多端而治法各異卽如

毒中腎經始生下疳繼而骨痛瘡標耳內陰囊頭頂

背脊形如爛柿名曰陽微瘡甚則毒傷陰陽二竅

傳於心發大瘡上下左右相對掣痛連心移於肝

眉髮脫落眼昏多淚或瘡爪甲毒伏本經作偏正

頭痛甚則目盲耳閉或生嗣不壽久則毒發囊穿

毒中肝經先發便毒嗣作筋疼瘡標耳項脇肋形如

砂仁俗以砂仁瘡名之甚則筋痿不起傳於脾四

肢發塊痛楚或蛙爛腿膝移於心生瘡如惡痛痒

交作毒伏本經大筋微疼久則毒發頸項兩膝



毒中脾經瘡標髮際口吻或堆肛門形如鼓釘俗以  
廣痘名之甚則毒伏臟內傳於腎骨痛髓烈發塊  
百會委中湧泉等穴移於肺肌膚生癰如花色紅  
紫褪過卽成白癰毒伏本經發斑如丹久則毒結  
腸胃

毒中肺經瘡標腋下胸膺面頰形如花朵俗以棉花  
瘡名之甚則毒聚咽喉傳於肝作筋疼遇月郭空  
或天陰申酉時分作疹移於腎作腎臟風痛痒交  
作毒伏本經生赤白癰久則毒結膺臆臂膊

毒中心經瘡標肩臂兩手紫黑酷似楊梅俗以楊梅



瘡名之甚則毒攻眸子傳於肺發喉癰漸蝕鼻梁  
多作痰唾移於脾生鵞掌風癰手足起止不隨毒  
伏本經十指流痛久則毒攻舌本或結毒小腸

是症也不獨交媾相傳稟薄之人或入市登園或與  
患者接談偶中毒氣不拘老幼或卽病或不卽病  
而慘痛週身或不作痛而傳於內室或內室無恙  
而移患於子女甥孫者故備述受病根源施治本  
末方法啓前人未發之秘病有經絡毒有淺深藥  
有緩急察脈審症應攻應補毫不可紊毒未傳變  
一臟見症者半川愈三臟見症者一月愈五臟俱



受病者五十日全愈此皆獨得之法已經印證海  
內名公妙在易生易褪疤不紫黑身無痛苦交媾  
不染生嗣無恙不伐胃氣元神誠千古不易王道  
之聖藥也設或妄施汗下點擦薰洗等藥徒速一  
時効驗殊不知毒伏於內戕賊臟腑釀成已上諸  
症以致投藥罔効余能刻日收功又能拔去輕粉  
之毒使終身無患非若粗工之不經者此症直可  
自任故爲是說以公之

竇氏黥瘡或問

或問曰黥瘡爲患何自而昉乎余曰嶺南之地卑濕



而暖霜雪不加蛇蟲不蟄諸凡汙穢蓄積於地遇一陽來復濕毒與瘴氣相蒸物感之則癰爛易毀人感之則瘡瘍易侵更逢客火交煎重虛之人卽冒此疾故始謂之陽癰瘡云以致蔓延傳染所以娼家有黥過之說皆由氣運所使因漸而致也

或問癰瘡爲氣運所使有云廣瘡何也余曰廣瘡者與痘相類痘瘡古所無有始生於北其氣自北而南漢時謂之胡痘由先天之所中無論男女貴賤遇歲火流行鼓腋而發若癰瘡者古亦無有始起於南其氣自南而北今時謂之廣瘡由後天之所



感不問老幼愚智元稟虛怯者觸穢而染胡痘以地命名孰非氣運之所使乎

或問此症有謂楊梅瘡有謂棉花瘡有謂砂仁瘡名狀不一者何也余曰毒之相感者一氣也臟之見症者各異也如痘瘡有紅斑白癰如荳如蘇如蠶子如土蛛如茱萸如葡萄或移毒眼目肘膝形症多端大約似荳者多半故名曰痘瘡如蠟瘡有赤遊紫癰如瘋如疹如砂仁如棉花如鼓釘如爛柿如楊梅或結毒破爛孔竅名狀不一大約似楊梅者多半故名曰梅瘡痘瘡梅瘡皆以形命名所以



不一也

或問其瘡傳染不已何也余曰昔人染此症親戚不同居飲食不同器置身靜室以俟愈故傳染亦少邇來世薄人妄沉匿花柳者衆忽於避忌一犯有毒之妓淫火交熾真元弱者毒氣乘虛而襲初不知覺或傳於妻妾或傳於姣童上世鮮有醫書可正故有傳染不已之患

或問老幼之人不近妓女突染此瘡竟有結毒者何也余曰不獨交媾鬪精或中患者毒氣薰蒸而成或祖父遺毒相傳此又非形接之比也



或問有人與患者同寢共食不傳染者何也余曰此由先天之氣充固邪氣無間而人所以有終身爲妓半世作風流客者竟無此恙

或問交媾偶中毒氣有輕重否余曰毒隨神轉走絡流經壯者氣行則已怯者則着而爲患

或問諸痛痒瘡瘍皆屬心火何心經獨擬於後耶余曰此毒上起脾肺下起腎肝心乃陽主陰邪不能先犯諸經傳變而心始受邪故初生瘡子不爲痛楚或元陽虛怯直中少陰者發作遂痛

以問毒傳臟腑切脉可知否余曰脉者氣血之道路



氣清脉和氣濁脉滯若有毒者其脉必沉如毒聚  
肝經者左關脉必沉澁寅卯時診之或遲或結不  
復流同者其毒深重餘臟倣此非若他毒以洪大  
滑數爲準反是者症必難治

或問有患者服藥而愈精神未復者何也余曰毒未  
盡化藥不勝病耳蓋毒不盡則精神不復非骨節  
酸痛則疤色紫黑故交媾便有所染生嗣未免有  
毒倘或性氣躁率屢犯禁忌者遂使一分之毒未  
除竟能復十分之患不知者反責前藥無効此非  
倦藥者自廢歟



或問醫治此患或用湯藥者或用散藥者或用丸藥者皆能獲効有等患者深慮輕粉爲害畏服丸散單用煎劑能收全功否余曰審察病機者醫之智也攻邪伐病者藥之能也夫毒有多少形有盛衰治有緩急方有大小臟有高下腑有遠近症有表裏藥有輕重草木之性多爲湯液金石之品俱作丸散故方有七大小緩急奇偶復劑有十宣通補瀉輕重滑澀燥濕方不七不足以盡方之變劑不十不足以盡劑之用凡治病在陰者毋犯其陽病在陽者毋犯其陰犯之者是謂誅伐無過病在於



經則治其經病在於絡則治其絡病從氣分則治其氣病從血分則治其血病在於表毋攻其裏病在於裏毋虛其表邪之所在攻必從之受邪爲本見症爲標五虛爲本五邪爲標病屬於實宜治以急實者邪氣勝也邪不速逐則爲害蔓延故治實無遲法病屬於虛宜治以緩虛者精氣奪也治宜次第故治虛無速法亦無巧法虛則補之實則瀉之有是症而用是藥此萬世之常度也如傷寒禁用丸藥恐庸俗悞用芫荳丸若用大黃丸則宜矣且業有專門工有高下又非槩論也



或問此症有用一二方面而愈有用百藥無効者何也  
余曰一二方面而効者多因稟厚毒淺或患者忍心  
耐性訪醫擇藥調攝得宜所以正氣足而邪自除  
也若百藥無効者乃中毒之深也又非毒之中深  
由受毒之始速求病痊不究標本亂投湯劑以致  
真元耗削藥毒蓄積於內遂有變症雜出往往至  
於傷生患者醫者俱不覺察故未經藥餌者僅爲  
終身不瘳之疾悞投藥石者定罹天橫之患由是  
紅紫眩亂使病者暗受其弊也

或問治法有用擦手足心者有煎湯薰洗者有藥點



者有燈照者或効或不効而受累者何也余曰用此四法取効一時與庸工用輕粉無異得其時者効或有之失其時者其毒反熾而終身不瘳也

或問何爲得時何爲失候余曰毒盡達於肌表面而治之則爲得時毒未透發而妄攻者謂之失候

或問患者親自製藥或用食物發之仍有結毒者何也余曰世人徒知庸俗暗投輕粉遏藥致有結毒後患殊不知妄施蟲介草汁過服敗毒發毒寒涼等藥其累不減於輕粉也

或問初生疳瘡便毒大瘡細子至筋骨疼痛喉癰蝕



鼻發塊上下破爛孔竅驚掌白癥其治同否余曰  
感此毒者一氣也然毒之見症者不一也如傷寒  
疹子從表而傳裏疫病痘瘡從內而達外惟此症  
出入無常伏見不一論其本則一究其末自殊正  
爲稟有厚薄病有新久工有上下藥有良毒豈可  
局一定之方而欲愈不一之疾乎

或問已上見症據經服藥能指日收功否余曰此皆  
獨授秘密得心應手譬諸行熟道者遠近可計步  
而至也如初生下疳腫爛未作骨痛者服藥十三  
日愈爛去陽物摻藥不効名蛀梗或爲卷心服藥



二十五日愈橫痃雙生者服藥十三日愈單生便  
毒作筋疼者服藥十九日愈便毒潰破不斂名爲  
魚口兼之疳瘡者服藥廿六日愈陽物生瘡如楊  
梅堆滿狀如鼓椎他處不生者名爲獨脚楊梅瘡  
服藥四十五日愈生瘡形如砂仁內作筋疼者服  
藥廿五日愈形如爛柿內作骨痛者服藥三十一  
日愈瘡標髮際口吻肛門他處未見者服藥二十  
一日愈形如大莖多見四肢者服藥二十七日愈  
胸膛面頰先標形如花朶者服藥二十五日愈上  
下左右對壘形如楊梅者服藥三十三日愈筋骨



疼痛遇天陰日晚痛甚者服藥二十一日愈結毒  
腿膝肩膊塊未破者服藥三十二日愈塊破年遠  
者服藥三十七日愈結毒委中湧泉玉莖百會等  
處未破者服藥三十一日愈已破者服藥三十六  
日愈十指慘痛爪甲發癢者服藥二十六日愈喉  
癰日久成天白蟻蝕鼻者服藥二十五日愈毒壅  
肺道不時吐痰而聲啞者服藥二十七日愈毒透  
肌膚肢體生癰硬靨如錢色紅紫者服藥三十七  
日愈毒附手足生驚掌鼠者服藥四十二日愈毒  
留肉分蛙爛蔓延者服藥四十五日愈胎毒胎兒



屢患瘡癰遊風丹腫者服藥二十四日愈生兒無皮  
不壽者必是父母蓄毒所使當胎父母脉氣方見  
毒之有無輕重然後服藥疎滌餘邪補立正氣庶  
使後孕子女永無胎毒故微病必須服餌湯劑不  
可亂投尊生者保之

或問服藥愈疾限日刻期能勿爽信乎余曰製劑療  
疾不外陰陽五行生成之數合而察之切而驗之  
若水鏡鑒形不失毫髮故病於內者司內揣外病  
於外者司外揣內治之之道無踰此矣非獨是疾  
諸症皆然夫病爲主藥爲賓賓主相得邪氣乃服



邪氣一伏則限期勿爽矣

或問有毒壞孔竅肢體瘦怯者醫能復原否余曰能  
解前藥之毒按經銷鎔其邪重施培植元本耳雖  
聾而復響眼將瞎而復明鼻將凹而復聳體怯者  
復壯陽費者復長大都治此症者不外化毒一法  
第化毒之法不外攻邪補元非明經察脉辨症之  
精毋得妄治故諺云傷寒痘疹廣瘡癰癰怯病不  
服藥爲上至言也原非有病而不藥嘗恐醫工之  
不善也故有此戒

或問土茯苓單療此疾竟有餌之不効何也余曰土



茯苓味甘氣平主溫胃健脾暖筋骨倘過服寒涼  
損胃毒滯脾經飲食少進者非此不能奏効若毒  
在他經脾胃健旺者縱多服亦不見功如脾虛泄  
瀉者服此實有奇驗故曰奇良非虛名也

或問丈夫染此症內室預服敗毒等藥可否余曰上  
工治未病者毋容邪氣侵也今人未見毒氣有無  
遂服敗毒等藥果有毒者則可如無毒者徒使元  
氣內虛內一虛則外邪易入是無病而使之先病  
也戒之慎之



一庠生年十八肄業郭外漸漸眉髮脫落遍身拘急  
從風治不効余候其脉沉澁且緩此金乘木位乃  
蠱瘡毒氣所感也用發藥三劑吞牛黃蟾酥丸大  
汗之次服化毒乙字丸兼用龍膽瀉肝湯旬日外  
果發細瘡如砂仁隨生隨褪二十日外瘡毒盡化  
眉髮復生

一詞客染楊梅瘡傳於內室多方調治僅愈惟生兒  
多天就余商之余曰此乃先天遺毒使然或初生  
無皮或月內生瘡或作遊風丹腫或發塊或生癰  
皆蠱瘡之遺毒也遂倩余彫脉細按之六脉無恙



氣血和平何生嗣多天乃知其內室蘊毒必重有  
害胎元卽用逍遙湯加忍冬花川石斛貝母威靈  
仙二十餘劑兼服化毒壬字丸一料嗣服加味養  
榮丸不一載卽舉一嗣後二年又生一女痘瘡俱  
朗諸疾不侵

一內室患頭痛沿及手臂不能舉動易數醫服藥二  
百餘劑不獲効後頸項發癢塊三五枚又以療癰  
攻治亦不効余診其脉與症不合乃出前醫藥按  
皆以治風治火治痰治血虛治癰癰余曰是蠱瘡  
毒氣所感太陽厥陰受症何治之謬也主人始悟



曰向余出京患便毒豈餘毒相染耶先生之言不  
誣矣卽以保安湯十劑間服化毒癸字丸至半月  
手臂舒暢頭痛全無後更申字丸至二十日外頸  
塊消散又服加味地黃丸方獲全効

一兒纔半歲患赤遊風其父用毒藥發之起瘡如癰  
或乾或濕身無完膚其友邀余視之余曰此雖胎  
毒必爲微瘡惡氣所遺衆口曰伊父性倭青樓毒  
或有之遂用化毒庚字丸倍加牛黃兼用辰砂六  
一散每日間服六次人參湯送下至七日始褪二  
十日全愈



一貴介年三十餘染瘡日久妄用剋伐大肉已削止  
存皮骨且咽喉腐爛外瘡水伏形勢危甚余懶治  
患者二兄曾犯此症且無嗣請治其弟余用大補  
藥熬膏日飲每早用化毒戊字丸晚服辛字丸至  
十五日喉肉始長飲食漸增至三十日身瘡褪剝  
又服大造丸至五十日肌肉方生七十日能步履  
而愈

一賈年四十餘患瘡貽毒有年塊發頭頂如拳右膝  
腫大如瓠右腮破潰喉嚨損傷粥食不能下胃每  
日吐痰升許肢體羸瘦坐以待斃余視其症危甚



第脉息尚有胃氣遂以六君子湯加貝母膽星石  
斛天麻兼服化毒壬字丸至二十日腮潰已靨頭  
塊始消飲食便利又用戊字丸兼虎潛丸早晚間  
服至三十餘日而腿膝如故飲食倍增更服辛字  
丸至五十日而諸症皆愈形體更肥

縉紳年四十外九月間染下疳至次年正月遍體  
生蠱瘡急欲取效施寒涼之劑用薰洗之法瘡痂  
盡褪疤色紫黑骨節流痛肩膝起塊余診之右脉  
沉微左脉澁滯知其寒涼太過毒伏發塊遂用人  
參二錢子羊肉十兩每日煮食早晚服化毒己字



九旬日外瘡靨疊褪至二十日塊消痛止又服辛  
字丸瘡疤光瑩嗣服八味地黄丸而愈

一室女年十四忽小腹作痛不旬日痛引腿膝其父  
延醫甚衆皆云屈脚腸癰療三月無効後醫作痞  
塊治亦不効時在正月邀余診視候脉不滑不數  
傍見一婢頸項瘡疤紫黑余知其婢所傳也其父  
詢爲何疾予不明言適他往至八月纔回其疾如  
故飲食少進時作驚悸其父復懇救治遂示以病  
因卽詢諸婢婢曰有之曰驗之矣用歸脾湯兼服  
化毒丙字丸至半月痛始定又服乙字至二十



日諸症皆愈

一太學年三十染癰瘡飲食禁忌甚善並不服藥至兩載而痊不及數月兩腿起小塊月餘而破但不深潰自用膏丹敷貼一伏一起蔓延胸腹頸項頭面耳目一病二十餘年訪治於予予曰乃陽癰蛙也毒留肌肉之間失於汗下耳遂用防風通聖散加入參連進五服以祛其蓄毒兼用化毒戊字丸早晚服之至盈月而愈耳目無恙纔止前丸更用八味丸服至三觔精神如舊後取妾復生嗣焉一節推年六十餘患陰囊破爛五年日流臭水無度



諸醫勿克閉戶靜養適伊孫患慢驚延余治問及  
此症余曰結毒也壯年必犯疳瘡便毒服藥雖愈  
餘毒蓄而不散至血衰所作非他藥可療當用加  
味益氣湯早晚吞化毒壬字丸不用敷藥至三十  
餘日肉長結痂而愈

一士好採補誤染徽毒前陰發瘡臨溺慘痛諸藥無  
効且腐至根始延余治余曰此名卷心蛙疳瘡當  
用牛膝枸杞忍冬花黃芪熟地當歸首烏澤瀉石  
斛等大料熬膏加人參鹿膠日餌早晚服化毒癸  
字丸半月後瘡肉始長又服戊字丸後用獨參湯



吞八味丸精神復長而愈

一青樓患疳瘡半載沿爛疼痛不止敷藥不効多用  
草藥單方甚至嘔逆不食危篤欲斃余診其脉兩  
尺沉澁寸關俱微蓋因草藥損胃遂令脾憊不食  
故毒氣不能升散以加減六君子湯十餘劑兼進  
化毒癸字丸至七日始納穀其痛稍減更用乙字  
丸至半月身發細瘡隨生隨褪至三十餘日全愈  
一司椽年近三十患便毒月餘多方不能消散其痛  
甚烈立則下墜陰囊臥則上攻兩腎轉側不能自  
持日夜難以安息始延余治診其脉左手結澁知



腎肝毒氣熾甚遂用化毒甲字丸同癸字丸早晚服之木通連翹湯送下至七日痛止十四日腫消十八日全愈

一童子忽作身熱卽發丹毒數塊衆醫爲赤遊風治以藥治以砭治以敷悉不效余思之曰遊風爲患必是父母徽瘡毒氣所遺當用化毒辛字丸倍加牛黃鍾乳粉珍珠犀角羚羊早晚服之霍然而愈一賈年三十忽生一毒於環跳穴下狀如絳桃紅且紫或痛或痒未幾又發小塊於兩膝下服藥數月不效且潰爛至腿臄延用三載余視其瘡口候其



脉氣是結毒也患者曰不然歸詢其母始知爲父遺毒所傳余用化毒戊字丸早晚服之至半月進十全大補湯加牛膝米仁至三十日兩腿全愈後服虎潛丸精神始旺

一縣尉年五十餘客京都染楊梅瘡欲速治愈每遇春夏復發緣受選延捱六載精神消耗兩腿破爛艱於步履余始治以大補湯加枸杞薏苡牛膝首烏兼服化毒已字丸半月後更甲字丸服之至三十五日而腿毒全愈後服補髓丸而復元

一孝廉年近三十眼角內潰痛引鼻梁膿水無度脆



骨將脫究其因原染徽瘡季春啖黃魚之後眼角  
隱隱作痛醫以降火祛風之劑治之不効余知毒  
伏在內遇毒一擊而發遂服化毒戊字丸和乙字  
丸早晚間服兼以神功內托散至二十日膿盡肉  
生後用十全大補湯加川連忍冬花貝母服二十劑  
眼鼻無恙而愈

一富室季春染徽瘡如痘至仲冬而愈嗣發鷺掌風  
兩手又年餘腰背生癰痛痒交作薰洗敷藥近愈  
未幾復作筋骨疼痛流注左右慘楚無時漸至着  
牀不起方延余治診其兩手脉沉而結知爲毒過



於內不得發越故作筋骨疼痛遂用人參八錢  
麻半兩川山甲四錢忍冬花四兩土茯苓十兩分  
作五劑兼服化毒乙字丸至七日痛減半月後發  
細瘡百餘點其痛頓除調理四十日全愈

梨園染棉花瘡恐親友知覺求醫速痊悞服隱藥  
而愈期月之後遍身流注作痛身體振掉不能自  
持甚至着牀不起余曰悞中輕粉毒也早服化毒  
已字丸晚服癸字丸三六九日單服神水間日服  
活絡丹四十日全愈

一商年四十外五月間耳內生一瘡不知覺至七月



中陰囊生瘡三四枚亦不識至十月陰囊頭頂生  
瘡共三五十箇其形酷似楊梅口渴非常痛不堪  
忍雖天寒穢氣逼人十一月始求余治余曰真少  
陰症也日用歸脾湯加枸杞山萸早服化毒壬字  
丸晚服丙字丸至三十餘日全愈患者內室亦感  
此毒作寒熱骨痛卽服化毒乙字丸隨生細瘡八  
十餘點半月後全愈

一乳母年三十患乳癰腫痛百日而潰諸藥勿効穢  
氣異常延余治之診其脉原非乳癰乃微瘡毒氣  
所遺究其因乳子之父曾患此症是遺毒外吹遂



用化毒乙字丸兼以四物湯加貝母丹皮瓜蒌子  
木通荳蔻香附青皮柴胡服二十餘日而愈

一叅軍年四十外突患癰瘡沿及手足其形如錢堆  
起紅紫黑靨褪過卽成白癰經年不瘳就余治遂  
用人參蛤蚧散兼服化毒辛字丸半月後又服已  
字丸四十餘日乃愈

一友人子年十七肄業道院忽髀厭腫痛狀如橫痃  
叩余索方卽以汗下化毒之法消之嗣後肛門生  
瘡認爲痔以爛藥敷之不去後用紅粉霜乃痊又  
作筋骨疼痛痛後生瘡如砂仁邀余商之余曰此



症染發不一小症應當大治伊父好方士不從余  
言每得一方輒便試之療年餘肌肉消瘦外瘡米  
伏不起不褪又加骨痛頭額腿膝發塊精神衰憊  
至技窮復就余治乃川八珍湯加忍冬花五加皮  
何首烏兼用化毒戊字丸壬字丸早晚間服至三  
十日痛止瘡褪又加牛膝枸杞至五十日塊消精  
神漸復後服補髓丸而愈

一青樓年二十大作骨痛生瘡如楊梅求治之余用  
玉樞丹五錢作二次服大瀉之每日用子羊肉十  
兩黃芪兩許土茯苓四兩共煮啖之兼以化毒丙



字九服至十三日大瘡乾褪卽生細瘡如痣隨生  
隨褪疤無異色月餘全愈

一司掾年近五十初夏染疳瘡肌黃汗大下等藥約  
數斗至仲冬肢體剝落飲食不進筋骨疼痛黑癍  
遍身耳無聞目無見命懸旦夕余視之精神憊甚  
毒氣深固意不許治病家篤懇用補脾藥旬日纔  
知食味方用化毒壬字九與甲字九早晚間服兼  
飲大補養榮膏至二十日每黑癍中生一細瘡隨  
生隨褪肌癍始澤疼痛全除內以補髓丸服之外  
以藥捲紙筒灸耳耳漸知聲目漸有光至五十日



方辨人語因倦於藥十年來未能復全聽

一童子年十二因父母患微瘡而染喉癰延年餘飲食艱難喉閉聲啞余謂毒氣壅於肺道以至音聲不出每日早服化毒庚字丸晚服犀角解毒丸至半月喉癰始痊又用瓊玉膏不時噤嚥至二十日聲出如昔

一友年近三十初習醫偶中楊梅瘡毒喉間忽生一瘡如葦認爲喉蛾大用清涼解毒之藥不効延二百餘日飲食竟不進垂斃適余至其友以症告余曰此微瘡症也次日往視手上有數瘡隱肉遂用



化毒丙字丸強吞以獨參湯接飲間以煎劑調理  
至七日瘡發口鼻舌本至十日外能進粥又服庚  
字丸至二十日後善飯不服余藥自爲調理

一黃冠年二旬餘染砂仁瘡欲速愈聞方輒試未滿  
百日而形憊食減始就余治診其脉六部俱沉微  
而緩余謂寒涼太過脾胃受傷以致飲食不進外  
瘡冰伏兼之筋骨疼痛當以補中益胃使毒氣升  
發而易化用補中益氣湯倍加參朮服至七日飲  
食漸增兼以化毒戊字丸早晚服之至半月瘡勢  
起發筋骨痛定又更乙字丸服至二十五日瘡痂



盡褪而愈後服大補丸一料元神復旺

農年四十餘丙子春初前陰生瘡狀如鼓椎他處  
無一點屢醫不效交冬更服蘇州瓶藥以土茯苓  
煎湯作引約用百五十觔至丁丑夏其疾反重日  
夜痛苦無一刻安臥其臭甚惡雖妻兒不敢近灸  
之不去點之不減方就余治胗兩手脉俱沉微而  
緩惟左尺欲絕是少陰經受病名曰獨腳陽癰瘡  
向被不經之藥妄投毒將內攻是以胸膈迷悶飲  
食少進遂用牙皂升麻首烏牛膝木通忍冬花煎  
飲吞護心丹早晚服壬子字化毒丸至半月方効



用人參黃芪枸杞牛膝鹿角當歸升麻川山甲煎服至二十日外痛漸減始得安臥兼以靈藥外敷至五十日瘡褪毒氣將脫而患者各費罷藥精神恐未能如舊

### 癰瘡方法

夫癰瘡爲患正氣不虛則邪毒不入如肝氣虛邪毒乘之則發橫痃或成魚口甚則筋疼瘡形如砂仁腎氣虛斜毒乘之則生下疳或爲蛙梗甚則骨痛瘡形如爛柿肺氣虛邪毒乘之則毒聚於上不爲筋疼必生瘡如花脾氣虛邪毒乘之則毒流四肢



不作骨痛必生瘡如痘心氣虛邪毒乘之則發大瘡形如楊梅左右相對而作楚有一經獨虛而邪氣獨盛者有兩經三經同虛而齊病者有現於外而滿身生瘡者有伏於內而遍體骨痛者所以出入無常而隱見不一也當詳究脉理按其毒氣有無輕重應發表則當發表應攻裏則當攻裏應疎利則當疎利應溫補則當溫補應涼解則當涼解勿令虛實顛倒斲削元神蓋病重而藥輕者但無近効病輕而藥重者必生他變所以治此症者須標本兼治不可偏施以攻邪補元爲主



主方

凡染有毒之妓或與患者接談稍有所感不拘便毒疔瘡或髮際生瘡梳下薄靨如麤或手足肌膚紅點如斑隱肉當服此方便正氣足而邪自除也若間服牛黃化毒丸其効甚捷

人參

黃芪

川芎

甘草

各一錢

當歸二錢

忍冬花

漢防已

各一錢五分

升麻

防風

山甲

各八分

用水二大鍾加生姜三片煎至半飢時服渣再煎

牛黃化毒丹



治已上初見形症

牛黃

四分可肝黃形如筆管厚實者功次之廣黃味薄

須用西黃色鮮黃者用之烏金黃亦

功不及半

琥珀

五分

血竭

製大黃

雄黃

朱砂

須擇鏡面大塊不涉沙石者用之近有煉丹不就轉與藥店賣者有大毒不入服藥

白蘚皮

川山甲

乳香

木香

各取頭末一錢五分

蟬退末

二錢

生生乳

一錢

沒藥

七錢

川貝母

三錢

右各製為末用神麴末五錢打稠糊入藥搗勻丸

如梧桐子大另研朱砂為衣每早空心服十五丸

早晚空腹服十丸砂糖湯送下中病則已如餘毒

未盡藥不可微服此丸切忌煩勞惱怒焦躁茶酒



可用十分之三

養榮湯

治肝經形症益其正氣兼服甲字化毒丸標本同

治

當歸 三錢

白芍

川芎

丹皮

遠志

龍膽草

夏枯草

各一錢

青皮

柴胡

各八分

川水二鍾煎八分服渣再煎七分服

甲字化毒丸

治肝經內外前後形症

升麻 二錢

牛黃 四分

生生乳

配礬石用佐藥煉百  
日而成成則生生不



息乃此症始末要藥但製度繁費不易修合如火  
候不到者服之無驗余識此方三年始得舉石煅  
鍊得法十年間屢用屢効誠千古不易王道之聖  
藥也未有此藥不可依方修合議余方之不靈方  
法已著名

雄黃須擇舊坑所  
產透明不臭

者用之  
各一錢

硃砂

乳香

各一錢  
七分

月月紅

白姜蚕

川山甲

白蘚皮

各取頭末  
一錢五分

廣木香

熟大黃

牡丹皮

各二錢  
五分

右各製爲末用神麴末五錢打稠糊入藥搗勻丸

如桐子大另研硃砂爲衣每早空心服卅三丸每

晚空腹服九丸人參湯送下炒米湯亦可病重者

逢三六九日加服三九元弱者不必加病去藥減



如餘邪未盡藥不可徹服此九切忌惱怒焦躁茶酒止可用十分之三

補真湯

治腎經形症益其正氣兼服壬字化毒丸標本同

治

何首烏 川牛膝 枸杞子 五加皮

各三錢

當歸身 石斛 杜仲

各二錢

黃柏 各一錢

用水二大鍾煎八分食前服渣再煎服

壬字化毒丸

治腎經內外前後形症



虎脰骨

炙酥

龜板

炙酥

川山甲

炙脆

硃砂

各一錢六分

月月紅

卽血餘用童子頭髮月刺者煨一錢五分

蟬退末

二錢

沒藥

乳香

白蘚皮

雄黃

各一錢五分

生生乳

錢一牛黃五分

土貝母

二錢

沉香

七分取沉水色黑味甜香

者用之

琥珀

七分

右各製爲末川神麴末五錢打稠糊入藥搗勻丸

如桐子大另研硃砂爲衣每早空心服十五丸每

晚空腹服十九人參湯送下枸杞湯亦可病去藥

減如餘邪未盡藥不可徹禁忌同前

保脾飲



治脾經形症益其正氣兼服戊字化毒丸標本同

治

金釵石斛

薏苡仁

忍冬花

錢各二

山藥

茯苓

牡丹皮

陳皮

錢各一

人參

甘草

木香

分各六

用水二大鍾加棗二枚煎八分服渣再煎服

戊字化毒丸

治脾經內外前後形症

牛黃

四分

升麻

生生乳

錢各一

木香

硃砂

雄黃

川山甲

白蘚皮



乳香

各一錢五分

擇滴

製大黃

二錢 宜九浸

十兩當耗煮酒五十兩入藥則瀉中有補

威靈仙

沒藥

血竭

貝母

各一錢 八分

右各製爲末用神麴末五錢打稠糊入藥搗勻丸如桐子大另研硃砂爲衣每早空心服十五丸每晚空腹服十丸人參湯送下奇良湯亦可病去藥減如餘邪未盡藥不可徹禁忌同前

益衛散

治肺經形症益其正氣兼服庚字化毒丸標本同

治



人參

貝母

白芨

百合

阿膠

桔梗

天門冬

各一錢

山藥

木香

甘草

各七分

用水二鍾煎八分通口服渣再煎服

庚字化毒丸

治肺經內外前後形症

蟬退

淨去沙土

川山甲

炙

川貝母

各二錢

鍾乳石

須擇湖廣產者長大脆白用天葵甘草水煮一日研萬遍用之色雜性堅者不用

生生乳

已上各一錢

鬱金

二錢

牛黃

四分五厘

木香

月月紅

乳香

白蘚皮



雄黃

各一錢五分

硃砂

一錢七分

右各製爲末用神麴末五錢打稠糊入藥搗勻丸如桐子大另研硃砂爲衣每早空心服十五丸每晚空腹服十丸人參湯送下奇良湯亦可病去藥減如餘毒未盡藥不可徹禁忌同前

安神散

治心經形症益其正氣兼服丙字化毒丸標本同治

人參

茯神

黃連

甘草

各一兩

遠志

七分

石菖蒲

栝子仁

生地

赤芍



木通 各一分

用水二鍾加圓肉七枚煎八分服渣再煎服

丙字化毒丸

治心經內外前後形症

牛黃

珍珠 各五分

犀角

蜜色味香有棕紋者用之

瓜兒

血竭

紫草

硃砂

雄黃

白蘚皮

乳香

月月紅

各一錢五分

姜蚕

酒拌炒去絲

蟬退

山甲

各一錢三分

生生乳 一錢

赤芍藥 二錢

右各製爲末用神麴末五錢打稠糊入藥搗勻丸



如桐子大另研硃砂爲衣每早空心服十六丸每  
晚空腹服十一丸人參湯送下龍眼湯亦可病去  
藥減如餘邪未盡藥不可徹切忌惱怒焦躁茶酒  
止可用十分之三

凡服十干丸先用滾湯汨嚥清胸中濁氣嗣服丸藥  
藥後啖糕菓之類壓丸藥下胃日宜尊法毋忽

通氣飲

治橫痃初起或兩髀俱腫作痛肉未堅實應服此  
方

木通

瓜蒌子

各五錢

忍冬花



粉甘草

各三錢

貝母

紫蘇葉

各二錢

用水二大鍾煎八分空腹服渣再煎七分服

消毒飲

治便毒單生腫硬大作痛者服此方

歸尾

粉草

熟大黃

黑丑

搗碎各三錢

姜蚕

貝母

各二錢

用水酒各一大鍾煎八分空腹服渣煎七分服

單方

治同前

黑丑頭末

七錢

空腹熱酒調服或汗或下下後以

粥飲止之



五虎湯 治同前有元氣者服之

全蝎

姜蚕

川山甲

炙各一錢五分

蜈蚣 三條

班毛

三個去頭足糯米拌炒

生大黃

二錢

右研為末分二次空腹酒服

內托散

治便毒腫痛將作膿者服之

地榆

一兩

黃芪

粉草

忍冬花

川山甲

白芷

各二錢

用酒二大鍾煎至一鍾空腹服渣再煎服

透膿散



治便毒有膿未破作痛作脹

皂角刺

黃芪

牛膝

各三錢

川芎

一錢

當歸尾

川山甲

忍冬花

漢防已

各一錢五分

用水二大鍾煎八分空腹服渣再煎七分若服前方不効者感毒必重當服甲字化毒丸收功

解毒湯

治下疳初起

連翹

荊芥

木通

黃連

生地

牛膝

忍冬花

滑石

甘草

何首烏

各等分



用水二大鍾煎八分服渣再煎七分服

解毒丸

治同前

白芷

一兩

斑毛

四十個

二物和一處用酒拌濕透

文火炒燥揀出斑毛用白芷全蝎胡桃肉各一

兩二物新瓦上焙微焦生大黃一兩晒燥四物

共研細末酒麵打糊爲丸如菰荳大每服三錢熱

酒送下

摻藥方

治下疳瘡

海巴子

煨存性一名貝子

研極細每一兩末加水片五



分五色粉霜三分再研盛磁罐聽用

又方

兩前茅茶

麻黃

細切各一錢五分

連四紙方七寸許

用鉛粉錢半擦在紙上鋪前二味捲筒火灼存性  
研細加冰片一分再研盛罐聽用

薰洗方

苦參

川椒

忍冬花

各兩許

用水三四碗煎數

沸先薰後洗瘡口拭乾用搽藥從四沿搽之用薰  
洗搽藥不効者毒中必深當服壬字化毒丸收功  
加味化毒飲



治下疳瘡腐爛陷下有凹或包皮腫如雞肫或肌  
膚見形如班如疹將發瘡者當服此方

漢防已

當歸

忍冬花

白蘚皮

連翹

羌活

川芎

各三兩

牙皂

五錢

右切片分作七帖每帖加奇良四兩猪胰子一枚

水四碗煎至二鍾分二次服渣再煎一鍾服七帖

後倘或不効者當服化毒丸收効

解表飲

治下疳便毒同起內作筋骨疼痛者服之

麻黃

紫蘇

桔梗

各三錢

川芎

升麻



歸

忍冬花

各五錢

姜蚕

蟬退

各三錢五分

子羊肉

十兩

用煮酒十碗煎至三鍾頓服厚衣蓋覆出汗透爲

度其被浸水中大便去空野

加味風流飲

治瘡初起不生瘡便毒者服之

防風

荆芥

川芎

升麻

鼠粘子

花粉

白蘚皮

姜蚕

甘草

川山甲

牛膝

何首烏

赤芍

木通

五加皮

各等分



用水三大鍾加猪腴半隻奇良一兩煎至一碗熱服取微汗爲度渣再煎服兼服庚戌二子化毒丸牛黃蟾酥丸

發表化毒能治一切疔腫癰疽瘡瘍

西黃錢一 蟾酥錢二 麝香分二 硃砂 雄黃

乳香各一錢五分 先以蟾酥切片熱酒化軟將五味

細末和蟾酥搗丸如黍米大每服七丸蔥頭熱酒送下出冷汗爲度

萬病解毒丹

治瘡毒初起可作下藥勝用大黃克伐胃氣



山茨姑二兩須擇巖處土產色紫而價重者方是白者用之効薄

紅芽大戟去木切薄片取頭末一兩五錢 千金子去殼去油淨末二兩

文蛤三兩 硃砂 雄黃各五錢

麝香二錢 乾燥者抵三錢用 須擇當門子

右製為細末以糯米稀粥搗成錠子量人大小虛實服一錢上下白滾湯磨化

凡患疔瘡便毒未愈有生瘡之兆預煎此油服之可

免面部生瘡

麻油八兩 用自已頭髮三五錢煎化作二次服再

服亦可



凡患瘡頭面及不便處者先薰洗後點藥五日即愈  
製生生乳法

煨煉礬石

三錢

雲母石

二錢五分

硝石

一兩六錢即盆硝

朱砂液

九錢六分即朱汞色粉紅者為上

晉礬

一兩二錢

朱礬

一兩八錢

食鹽

兩半

枯礬

五錢六分

青鹽

三錢五分

右件共研不見星入羊錫罐內三方一頂火候藥

化面上有霜頭起離火候冷用鐵蓋蓋扎鹽泥固

濟待罐口泥乾入八卦爐內先用文火候蓋底熱

透微微擦水加炭平口用武火三香足離火先用

甘草牙皂各二錢煎濃汁收蓋底白丹砂棉紙包



浸汁內片時取出連紙埋土中三日夜取來晒  
乾每兩加水麝各七厘辰砂九分共研極細外用  
乳香錢二分滾水燉化和前末研勻爲丸每重一  
錢一分外以黃蠟封固卽名生生乳照方配合服  
之刻日奏効每見公子王孫沾染此疾百藥無効  
者皆因方之不當藥之不真也余願此方公之海  
內而後世易爲采擇永無差誤然世之毒藥古方  
往往用之各有製度耳如水銀一物得雲母礬石  
同煉其毒卽解不比粉霜輕粉之酷烈也余用生  
生乳配風藥而治大麻瘋配礬藥而治傳屍礬配



蟲藥而治諸蟲疾配膈藥而治噎塞翻胃配瘡藥  
而治頑毒頑癬久漏骨痛種種奇効不獨治廣瘡  
毒氣之聖藥也大凡藥性與稟性有異人有殺藥  
者毒藥服之竟不覺察奏功亦緩性有不殺藥者  
服之便覺眩冒奏効亦速所以爲醫全在活潑經  
曰大積大聚衰其大半而止不必盡劑須要體察  
病情功效未全者再宜進藥或間日再服或依前  
三日再服務宜消息增除毋使過劑以生藥病

### 製金鼎砒方法

淨白砒

二兩五錢  
研細爲末

出山鉛

十六兩開水  
豈許敲爲末



用小城罐一個以鉛片挑砒末重重疊在罐內用  
文火鎔化俟青煙起白煙來霜飛罐口方離火冷  
定鉛面清如水色如金者無渣質者爲妙若色青  
黑非出山鉛也用之無効

### 結毒方法

夫結毒者徽瘡毒氣結於四肢百骸孔竅經絡不易  
散解作痛作腫久則塊破潰爛不已治此症者不  
外乎攻補攻則毒氣去補則正氣強經曰邪之所  
湊其氣必虛虛者空也無也譬諸國內虛則人民  
離散百禍易起人之虛者亦猶是已又曰不能治



其虛安問其餘蓋言虛者爲百病之本宜首舉以冠諸症也

毒結於肝膽二經者內作筋痛攻走脇肋上至於頭下至於足轉側艱難手不能舉足不能步或頸項發塊或破爛上下或傳他經致生別病當用乙字化毒丸兼用煎劑調理

乙字化毒丸

治已上諸症

牛黃

丁香

牙皂

各五分

琥珀

須擇體堅燥者用之

鬱金

生生乳

各一錢

硃砂

雄黃



月月紅 白蘚皮 乳香 川山甲 各一錢五分

製大黃 二錢 姜蚕 四錢

右製為末用神麴末五錢打稠糊入藥搗勻丸如桐子大另研硃砂為衣每早空心服十三丸每晚空腹服九丸人參湯送下炒米湯亦可病去藥減如餘邪未盡藥不可徹百日內勿使大勞大怒順時調理

煎藥方

當歸 二錢 芍藥 一錢 川芎 七分 人參

丹皮 各八分 膽草 柴胡 紅花 各五分



枸杞

二錢

石斛

一錢五分

用水二鍾加蓮子十粒煎八分服渣再煎

胃氣弱加奇良一兩薏苡三錢

魂不寧加酸棗

仁

二錢

氣不順加烏藥香附青皮

各一錢

泄瀉加

白朮山藥

各一錢五分

毒結於膀胱并腎經者內作骨痛流注上下抽掣時

痛發塊百會委中湧泉等穴或陽物腐爛不已或

陰囊腫脹作潰或生獨脚陽蠱瘡或傳他經致生

別病當用癸字化毒丸兼用煎劑調理

癸字化毒丸



治已上諸症

牛黃

分五

鹿角屑

錢三

沉香

生生乳

錢各一

硃砂

雄黃

月月紅

白蘚皮

乳香

川山甲

各一錢五分

神水

打薄片

川山甲

二十塊

乳香

上貼

銀箔取尖底

缸二隻

一樣

的

缸間

孔底中

繩

穿鉛片懸上

缸下缸

盛米

醋火

酒各

半

勛缸口架

磁盤一個

將缸合好

用麵條

封固

以

文火下燒

俟酒醋乾

取出

盤中

者是

人中白

二錢五分

擇鄉

間誠實

人家

不生瘡

製何首

烏

錢三

右製為末用

神麴末

五錢

打稠糊

入藥搗

勻丸如桐子大另研硃砂為衣每早空心服十五

丸每晚空腹服九丸人參湯送下枸杞湯亦可病



去藥減如餘毒未盡藥不可徹百日內勿使大怒  
順時調理

煎藥方

牛膝

枸杞

山茱萸

五加皮

當歸

各二錢

何首烏

補骨脂

淫羊霍

川石斛

山藥

各一錢二分

澤瀉

七分

用水二鍾加川椒一撮煎八分服渣再煎

精氣不固加菖蒲人參

各一錢

五味

四分

內熱加熟

地黃柏牡丹皮

各一錢

盜汗加白芍酸棗仁麥門

冬

各一錢二分



毒結於脾胃二經者外爲小塊肌肉蛀爛蔓延或發  
大塊破潰腿膝或手足生鵝掌風癰或傳他經致  
生別病當用巳字化毒丸兼用煎劑調理

巳字化毒丸

治已上諸症

牛黃

牙皂

各五分

木香

二錢

生生乳

一錢

乳香

沒藥

各錢七分

川山甲

白蘚皮

硃砂

雄黃

月月紅

各一錢五分

熟大黃

殭蚕

各二錢

血竭

一錢七分

右製末用神麴末五錢打稠糊入藥搗勻丸如桐  
子大另研硃砂爲衣每早空心服十三丸每晚空



腹服九丸人參湯送下砂糖湯亦可病去藥減如  
餘毒未盡藥不可微百日內勿使大勞大怒順時  
調理

煎藥方

茯苓

山藥

石斛

陳皮

各一錢

薏苡仁

三錢

當歸

二錢

白芍

丹皮

各八分

木香

甘草

各五分

肉桂

三分

用水三鍾加砂仁六分煎至八分服渣再煎服

飲食少進腦中脹悶加厚朴荳仁

各一錢

有痰加半

夏枳實白木

各一錢

泄瀉加肉果訶子

各七分

減當歸

毒結於大腸肺經者為喉癰多作痰唾久則成天白



漸蝕鼻梁低陷或肌膚生癬硬靨如錢色紅紫  
褪過卽成白點或不生癬竟成赤白癩風或傳他  
經致生別病當服辛字化毒丸兼以煎劑調理

### 辛字化毒丸

治已上諸症

白花蛇

真蘄川  
產者佳

羚羊角

白蘚皮

各三錢

牛黃

五分

鍾乳粉

生生乳

各一錢

川山甲

月月紅

乳香

硃砂

雄黃

各二錢五分

槐花

二錢

神水

七分

川貝母

二錢

蜂房

炙淨末一錢

右製末用神麴末五錢打稠糊入藥搗勻丸如梧



子大另研硃砂爲衣每早空心服十三丸每晚空  
腹服九丸人參湯送下熟蜜湯亦可病去藥減如  
餘邪未盡藥不可徹百日內勿使大勞大怒順時  
調理

煎藥方

人參

茯苓

天門冬

貝母

當歸

沙參

玄參

各一錢二分

白芍

麥門冬

黃芩

各八分

五味子

四分

用水二鍾加枇杷葉三片煎八分服渣再煎

痰多加白朮天麻橘紅

各一錢



喘急加桑皮甘草紫蘇子

各一錢

毒結於心小腸經者毒注瞳仁似乎內障或見或不見或毒聚舌本作腫或十指慘痛無時或瘡生遍體內有不易結痂而腐爛不已者或傳他經致生別病當服丁字化毒丸兼以煎劑調理

丁字化毒丸

治已上諸症

牛黃

珍珠

蜈蚣

去頭足炙  
燥各四分

犀角

生生乳

牙皂

各一錢

月月紅

白蘚皮

硃砂

各一錢  
七分

雄黃

乳香



川山甲 各一錢五分

琥珀 五錢

貝母 二錢

血竭

鬱金 各一錢

製大黃 二錢

右製末用神麴末五錢打稠糊入藥搗勻丸如桐子大另研硃砂為衣每早空心服十五丸每晚空  
腹服十丸人參湯送下圓服湯亦可病去藥減如  
餘毒未盡藥不可徹百日內勿使大勞大怒順時

調理

煎藥方

人參

茯神

柏子仁

當歸

生地黃 各一錢二分

遠志

麥門冬



牡丹皮

黃連

甘草

各八兩

用水二鍾加圓眼肉十枚煎八分服渣再煎

不眠加棗仁梔子

各一錢二分

咳嗽加貝母知母桑

白皮

各一錢

咽喉乾燥加玄參連翹

各二錢

心經元陽虛怯畏寒者加大附子八分倍人參

拔毒丸

治生瘡時候服輕粉粉霜服前方無効者當用此

丸間服

槐花

一兩

川椒

二兩

象牙末

一兩酥炙

黃丹

乳香

沒藥

人中白

各三錢

血竭



蜈蚣

川山甲

錢各一

金頂砒

生生乳

錢各二

右製末用神麴末一兩五錢打稠糊入藥搗勻丸  
 如桐子大另研硃砂為衣每日早服二十九晚服  
 十五丸土茯苓湯送下百日內忌房勞惱怒日宜  
 食猪肉數兩

又方

用出山鉛九觔打造壺瓶一大把盛火酒十觔奇  
 良二十一兩乳香紅花各一兩川椒龜板各二兩  
 封瓶口坐鍋中水煮一日夜取出埋地中三日去  
 火毒每日早晚任意飲數盃



加味地黃丸

治病愈後精血未復者宜服

熟地黃

八兩酒煮

山茱萸

山藥

各四兩

茯苓

牡丹皮

各二兩五錢

澤瀉

二兩

當歸身

枸杞子

各三兩

右各製末搗熟地極爛和藥如乾加煉蜜再搗干杵丸如梧桐子大每日早晚服二錢淡鹽湯送下

補髓丸

治病愈後精髓空虛者必宜服之

人參

二兩

地黃

四兩

鹿茸

一兩五錢酥炙

當歸

四兩

枸杞子

三兩

柏子

茯神

白朮

各三兩



麥門冬

一兩五錢

鍾乳粉

七錢

沉香

五錢

石斛

二兩

右各製末煉蜜和丸如桐子大每日早晚服七十丸秋石點湯送下醇酒亦可

安神丸

治病愈後精神恍惚升痰動火煩渴

人參

柏子

當歸

麥冬

棗仁

各一兩

生地

遠志

菖蒲

玄參

貝母

黃連

五味

各七錢

右各製末龍眼肉七兩熬膏和丸如菜荳大辰砂為衣每服五十丸燈心湯送下



和氣養榮丸

治婦人病愈後氣血衰少發熱作嗽

當歸

三兩

熟地

二兩半

白芍

丹皮

各兩半

香附

四兩

人參

貝母

阿膠

山藥

茯苓

黃芩

川芎

各一兩

白朮

一兩

右各製末煉蜜搗和丸如桐子大每日早晚服八

九十丸淡鹽湯送下

助胃膏

治脾胃虛弱飲食少進肌膚不澤

奇良

二十兩

甘草

二兩

枸杞子

四兩

炙

炒



補骨脂

炒 三兩

薏苡仁

炒 八兩

先用大棗二觔水三十碗煎至水減一半去大棗  
加前藥文火熬濃約存汁四鍾加飴糖十兩再熬  
數沸盛磁瓶坐冷水內一日每日服五六次每次  
服三錢七後飲人參湯其効更速

凡患筋骨疼痛先服化毒丸七日外用後方熨烙  
熨烙方

川烏

草烏

肉桂

軍姜

胡葱

各等分  
搗細

煮糯米飯和藥搗勻敷患處外以火熨之

凡患喉癰久不愈者先服化毒丸七日外用後方吹











W138  
1856  
V. 5



